

اسلامده

خدمات دینه ووظائف ملکیه

دردنجی نسخه دن مابعد :

نظارت سکه دخی خدمات مهمه دینه دن برخدمتدرکه مابه التعامل بولنان اجناس مسکوکاتی وزن وعیارده خش ونقصاندن وتداول ورواجنی محل سائر حیل ومفاسددن حفظ وصیانت ایچون موضوعدر . سکه نک انتظامی مدار معاملات عامه اولدینی جهته مسکوکات دولتک عزواعتبارینه ومعاملات ناسک تیسیرینه مفضی اولان اسباب و وسائلک استحصالنه بذل نقدینه همت ایلمک وظیفه مذکوره پیرایه دوش اهلیتلی قلنن عمالک لازمه ذمتریدر . تعامل مسلمینه مدار اولمق اعتباریه مسکوکات نظارتی مناسب دینه دن عد اولنهرق ایام سالفهده بومسند دخی منصب قضایه الحاق ایلمش ایدی . رأی حکام شرع ایله اهل ورجالنه تفویض اولنور ایدی .

خدمات دینه دن برسیده اراضی مساحه ایدیلوب دفاتره قید وتسجیل ایدلمسی ایدی . بوجهته ممالک متمدنهده یاقین زمانلردنبری مرعی بولنان « اصول تحریر اراضی » عالم اسلامده دهانجه زمان اول موجود وجاری ایدی .

وظائف ملک وسلطه کلنجه : هر زمانک مزاجنه وسیاست ملکک اقتضاسنه کوره وظائف مذکوره نک انواع عدیده واشکال مختلفه سی واردر . وقبیله عالم اسلامده بونلرک باشلیجه لرندن بری وزارت عظمی . دیکری دیوان - استشاره -

اعمال وجبایات ، دیگری دیوان منشآت ، دیگری قیادت اساطیل ایدی .
وزارت عظمی ، وکالت مطلقه سلطانیه دن عبارت اولوب بتون مناصب
سلطنتک اشرف واعلاسی در . « وزیر » کلهسی یامظاهرت ومعاونت معنانه اولان
« موازره » دن ویاخود خفت مقابلی ثقلت معنانه کلن « وزر » دن مشتق
وماخوذدر . فی الاصل « وزیر » دیه منحصرأ دولنده حائز مسند صدارت
اولان ذاتہ اطلاق اولتور ایدی . بوده اشتقاق ارله کوره وزیرک مهام امور
دولنده ملوک وسلاطینه مظاهرتی واشتقاق ثانی به نظراً طرف سلطانیدن امور
عبادی تکفل وحمل ثقیل حکومتی تحمیلی اعتباری ایله ایدی . صکره لری
تفتیش مظالم وجرائم ، منصب ریاست کتاب ، نظارت امور مالیه ، نظارت
امور جهاد وسائر کبی مهام سلطنتک هر بری ایچون برر وزیر مخصوص تعیین
قلندی فی جهتله تجیل شانی وتلمیح عظمت مقامی ایچون حائز مسند صدارت
بولنان ذاتہ وزیر اعظم ویاخود صدر اعظم اطلاق ایدیلور اولدی . ششمی
دولت ابد مدت عثمانیه ده « وزارت » رتب ملکینه مک منتهایی اولان پایه جلیلیک
عنوانی اولوب بالفعل خدمتده بولنسون بولنسون بورتبه رفیعہ عهده سنه توجیه
بیوریان ذاتہ « وزیر » دینور . معاصرمن بولنان ادبای عرب « وزارت » کلهسی
هیئت وکلایه مرادف معناده دخی قولالانیورلر ، مثلاً هیئت وکلا تبدل ایدی
دیه جک یرده [تبدلت الوزاره] دیورلر .

نظارت امود جهاد اول مسند ایدی که ترتیب جیوش ، تهیه آلات ومهمات
جنگ ، محافظه قلاع ونفور وحدود بو مسندک وظائفدن ایدی . عصر مزده
شکل جدیده کیرمش ونیجه شعباته آیرلمش اولان وظائف مذکور مک تفرعات
متنوعه سیله برابر مرجعی دولت علیه عثمانیه ده مقام سر عسکری وشمیدیکی
تعبیر رسمی به کوره حربیه نظارتی دینیلن نظارتدر .

دیوان اعمال وجبایات ، یعنی نظارت امور مالیه اول منصب ایدی که جبایات
امواله ، محاسبات عمومیه به ، دخل وخرج دولنده حقوق سلطنتی صیانت
نظارت ایدرایدی . ملک دولنده ایکی رکن قویم بولنان سیف و قلم قوه مالیه ایله

حیاتدار اولدیغندن بوقوت روح دولندر . جپایت و صرف اموالک عادلانه ورویتکارانه حسن جریان سعادت ملک وامتک باشلیجه اسبابندن بری اولمغله بومنصب مهمک دخی امنای دولندن بر وزیر حیثسمیرک دست حصافته تودیغنه یک اعتنا اولنور ایدی .

[اشباه] ده شویله یازیور :

« فاروق منیع الجناب عمر بن الخطاب رضی الله عنه حضرتلری بیوردی که بن کندی مال اللهده ولی یتیم منزله سنه تنزیل ایتم : احتیاج اولدیسه اندن الام والم کنیشه دکده یرینه قویدم ، مستغنی اولدیغ زمان هیچ المی سورمدیم . امام ابو یوسف رحمه الله [کتاب الحراج] ده نقل ایتمی که عمر رضی الله عنه حضرتلری عمار بن یاسری صلاة و حرب اوزرینه و عبدالله بن مسعودی حکم وقضا اوزرینه و عثمان بن حنیف مساحه اراضی اوزرینه مأموراً کوندردیکی زمان ، بر نصف ایله شکمی عمارک و بر ربی عبدالله بن مسعود ایله عثمان بن حنیفک اولمق اوزره کندیلرینه هر کون بیت المالدن بر قیون تعیین ایتمی و دیدی که بن کندمله سزی بومالده ولی یتیم منزله سنه تنزیل ایتم . حق جل و علا حضرتلری کتاب منزله ده : غنی اولان استغفاف ایلسون و فقیر اولان معروف ایله اکل ایلسون مألنده اوله رق «ومن كان غنياً فليستعفف ومن كان فقيراً فليأكل بالمعروف» . بیوردی . نام جلیل الهی به قسمله سویلرم ، هر کون کندیسندن بر قیون النان بر دیار کورم که اودیبارک خرابی تسریع ایدلش اولسون . »

شارح حموی ده شونی نقل ایدیور : « شیخ محی الدین بن عربی حضرتلری [کتاب المسامرات والمحاضرات] نده ذکر اولمشدرکه ایراد دولت عدل ایله تکثر ایدره مال نما بولور . عمر بن عبدالعزیز حضرتلری دیمشدرکه هر امت فاسقن کتورسه بزده حجاجی انلره قارشو چیقارسق البته بز انلره غلبه ایدرز . حجاج نه دنیایه نه آخرته یارار بر آدم ایدی . عراقه والی تعیین فلندیغی زمان عراق غایتله معمور و آبادان ایکن خطه مذکوریه خراب و بیاب اتمسلیله ویرکوسی بیک کره فرق بیکه [فرق میلیون ایدر] تنزل ایتمی ، حلبوکه

شمیدی عالم [محصل دیمکدر] بکایک کره سکسان بیک [سکسان میلیون ایدر]
تأدیه ایتدی. سنه آتیه قالورسه امیدوارم که عمر ابن الخطاب حصر تلرینه تأدیه
ایتدکاری بیک کره یوز بیکی [یوز میلیون ایدر] بکا تأدیه ایتسونلر .

[اقوم المسالك]ك مقدمه سنده نقل ایدلیدی اوزره وقتيله فرانسه معارف
ناظر لکی ایتمش بولنان « دروی » خلفای عباسیه نك واردات سنویه سی عصر من
مسکوکاتی ایله اوتوز بش میلیون فرانسز لیره سنه معادل اولدیغنی سوبله نور .

استطراد

حجاج بن یوسف الثقفی دولت امویه نك ا ك نامدار ومقبل امراسندن ایدی .
کندینی امرأ صر ه سنه کچورن ملوک امویه دن عبد الملك بن مرواندر . حجاج
اولا حجازه بعده حجاز ایله عراقك هر ایکسنه والی تعیین قلندی ، دهاسکره لری
[مابعدی وار] برکت زاده

اسماعیل حق

مجلس مبعوثانك اصول تشكلى ووظائفى

زمان اجتماعى تقرب ایتمش اولان مجلس مبعوثانك اصول تشكلى وصورت
ایفای وظائفى مبین نظام داخل سندن خامه ران بحث و بیان اولق شو صر ده
يك موافق مصلحت اولور ظن ومأمول ایدرم . چونکه مجلس مبعوثان نه یولده
تشكلى ایدهك ونه صورته ایفای وظیفه ایلدهك؟ مجلسده رعایتی لازمه دن اولان
اصول وقواعد نه دن عبارتدر؟ بورالرینه کندیلرینی مبعوثلغه نامزد وضع ایدن
ومبعوث انتخاب اولنه حق ذواتك اکثریتی واقف اولدقلری ادعا اولنه ماز بعض
ولایاتده مبعوثان اعضائى مجلس اداره ومجلس بلدیة اعضالغنه قیاس اولنه رق او یولده
بر فکر وذهاب حاصل اولدینی برچوق کیسه لرك کندیلرینی مبعوث نامزد لکنه
چیقارمش اولملرندن استدلال اولنقه دره .

بعض ولایات غزته لر نده مطالعه اولندینی وجهله بوذوات میسانده مشایخ